

قوموا تلقوني

يحسين يعيوني

بجرح المصيبة

جيتك كنيبة

يخوية بمحملي الميال

قصدتك والدمع همال

على خطواتي دمعاتي

تروي ضيعة الأطفال

مآسي اشلون أفصلها

تراها صعب ما تنكال

دكلي اشلون أفصل لك

سفر نسوة بلاي أرجال

يخوية يختمل كآبك

أروح مسيرة بأغللال

فوق ظهر ضالع ودعت جسمك

وعلى الثرب خضابي ليت دمك

لعب السوط على ظهري ظلماً

حرموني رغم هذا الجرم لثمك

بكياذ ربطوني

للشام ودوني

ذلة أمصيبة

واني غريبة

قوموا تلقوني

يحين يعيوني

بجرح المصيبة

جيتك كنيبة

يخوية واعظم الأيام

شكلك عن دخول الشام

يتاماك ابدمع لمن

سحبت الجوز بالام

دخلناها امنازلها

عليها من الفرح اعلام

نطوفن في السكك حسرى

أضربت راسك أم هجام

عساها انشلت إيمينش

فجعتي النسوة والأيتام

كان يثلو الرأس آيات العلاء

شع نورا شق آفاق الفضاء

حين أعشى عينها صاحت بحقد

قربو الرأس فحقدني في هناء

يحين يعيوني

براسك يقجوني

دمومك سجيبة

والشبية خضية

قوموا تلقوني

يحسين يعيوني

بجرح المصيبة

جيتك كنيبة

يخوية يحتمل قلبك

خيالي تنظرة الأجانب

يزيد الطاعي وازلاممة

أخاطبهم بلاي احجاب

يربطونا يسبونا

بعينك تنظر الأنياب

وقفت مجتفة أحولي

يتاماك بكلب مرتاب

أشوفن بالطشت راسك

وشوفة بالعصى ينصاب

مجلس الخمر دخلناه سبايا

فيه مضنتي الرزايا والبلايا

ليتني ما كنت في الأحياء لَمَا

كسرت مخصرة الطاعي الثنايا

ويكول شوفوني

أجدادي خضروني

حالة عصبية

من نلتجي به

يُحسِنُ يَعيونِي

جيتك كنيية

قوموا تلقوني

بجرح المصيبة

إلك ظعن المآسي عاد

بلايا روس بالأجساد

ذليلة تشتكي الأصفاد

تراها مالها تغداد

نحلها والجمر وكاد

دگوم انهضُ يبو السجاد

تلگوهم يبو اليممة

إجتك زينب الحرة

تلگا الراس والاممة

مصابك والسفر لكشر

قم تلقاها فكم في الصدر من آه

وشمالاً فيتاماك ستلقاه

هذه زوارك اليوم أحياء

قم تلقى جابراً وانظر يمينا

عطشان يعيوني

اظعون الغريبة

عد قبرك اظعوني

جتك نحيفة

كلمات عباس علي أحمد الشيخ

تمت بعونه 2012/12/25 م